


DISSERTATIO INAUGVRALIS
DE
NAPHTHA VITRIOLI,
CVI ADIECTI SVNT APHORISMI
DE
VASIS SANGVIFERIS, MOTVQVE CORDIS,

QVAM
PRAESIDE
MAGNIFICO HVIVS VNIVERSITATIS RECTORE,
VIRO EXCELLENTISSIMO, ATQVE EXPERIENTISSIMO,
FAVTORE ATQVE PRAECEPTORE COLENDISSIMO,
GEORGIO FRIDERICO
SIGWART,

PHIL. MED. ET CHIR. D. HVIVSQVE ET ANATOM. P. P. O. MEDIC.
AVLIC. WIRTEMB. ET FAC. MED. SEN.

PRO
SVMMIS IN MEDICINA HONORIBVS LEGITIME
OBTINENDIS
DEFENDET D. IVN. MDCCLXIV.
AVCTOR
IOHANN THEOPHILVS DIETERICH,
BOEBLINGENSIS.

TV B I N G A E, TYPIS SCHRAMMIANIS.



um quondam per satis longum tempus Laboribus pharmaceuticis intentus essem, non potuerunt non variæ se mihi offerre operationes chymicæ notabiliores, ex quibus jam speciminis loco describendam *Naphthæ vitrioli præparationem* eo lubentius eligo, cum ista pro arcano habita studiose lucrificiendi causa celetur. Est solo tantummodo nomine mihi saltim cognitus quidam MANGINE dictus, qui monopolium hujus Naphthæ exercet, insignemque quantitatem pharmacopœis, præparationem istius ignorantibus, haud sine maximo lucro transmittit, in cujus arcanum cum mihi penetrare contigerit, forsitan haud absonum erit, speciminis

loco genuinam *hanc Naphthæ exhibere* descriptionem, sub adjunctis insuper *thesibus de vasis sanguiferis motuque cordis*, quibus qualescunque meos in rebus ad medicinam spectantibus profectus demonstrare possim. Quod quidem meum institutum ut B. L. æqui bonique consulant, submisisse rogitō, cum pro circumstantiarum mearum, præsertimque temporis, cujus angustia intercludor, ratione haud fieri potuit, ut integram non interrupto filo contextam dissertationem exhiberem.

Est vero, de quo modo præfatus sum, *processus* pro Naphtha vitrioli præparanda sequenti ratione instituendus, qua probe observata nunquam ullum spes optimæ Naphthæ obtinendæ fallat. R. Olei vitrioli optimi & spiritus vini alcoholisati p. æq. Infunde primo spiritum vini in phialam puram, cui alembicus adaptatus, adfunde mox oleum vitrioli sic dictum genuinum & concentratum, repone facta celerius hac miscela sine prævia digestionem materiam hanc in arenæ balneum, commissuris antea probe clausis, & statim destillationem institue. Ignem tamdiu celeriter auge, donec nullæ amplius striæ oleosæ in alembici capite se se repræsentent. Evanescentibus oleosis striis, aperi alembicum. Tum denuo dicti spiritus vini alcoholisati priori æqualem quantitatem affunde, commissuris noviter optime clausis. Continua destillationem eodem ignis gradu, donec nullæ iterum appareant oleosæ striæ. Quæ secunda destillatio plus olei destillati supernatantis dabit quam prima. Postea tertia vice adde residuo in phiala, spiritus vini alcoholisati partem dimidiam. Id quod semper durante destillatione faciendum. Si eodem modo continuata destillatione, iterum obtinebis Naphtham vitrioli aquæ supernatantem.

tem. Hæc nova adfusio & reiterata destillatio tamdiu profectuenda est, quamdiu aliquid Liquoris supernatantis apparet. Modo teneas cautelam indicatam, quam juxta alcohol vini semper durante destillatione adfundendum est. Sine qua encheiresi nunquam finis ille obtinebitur. Ita vero duplicis generis acquiruntur Liquores, alter qui supernatat, alter qui fundum petit. Supernatans is ipse est, de quo heic est sermo. Iam duo hi liquores per vitrum, quod separatorium vocatur, sollicitè separandi sunt, tumque liquor, qui antea supernatabat, denuo ex cucurbita probe depurata alembico optime clauso munita, leni igne & lenta destillatione depuretur, ut hoc modo Naphtha hæc nauseosum sensusque obnubilantem odorem sulphureum amittat. Residuus liquor fundum petens ingratiſſimus est nulloque insigniori usu dignus amplius. Supernatans vero ille sic depuratus penetrantissimum, summe volatilem, aromaticum, & gratissimum odorem spirat. Si finita destillatione, noctu maxime clausuras vasis aperueris & candelam duos etiam passus ab illa materia volatili posueris, mirum videbis phænomenon. Totum nempe laboratorium igne confestim replebitur. Id quod & mihi accidit, cum Nestadii in hac producenda Naphtha occupatus essem, tum enim, qui antea nunquam hoc expertus sum mirum phænomenon, subito igne undiquaque circumdatus, obstupui quasi Iovis ignibus ictus. At ne minimum quidem damnum inde in me redundavit, flammaque mox exstinguebatur, quam primum vitrum, quo ille continebatur volatilis Liquor celerius iterum occludebam.

Liceat jam mihi sequentes annotatiunculas , quæ animum subibant , fugiente calamo afferre.

I. Naphtham hanc vitrioli artis non naturæ productum esse , sponte patet. Similem eam esse *Naphtae* illi *Babylonicae* , indeque nomen suum accepisse nostram , multa docent, Tradunt enim Naphtham Babylonicam fuisse subtilissimam, volatilem , facile ardentem , neque flammam perniciosam dedisse , ita ut noctu dispersa per plateas à ductis funalibus nocturnis ardentibus ita incenderetur , ut quasi sponte sua ardere videretur , per omnem viarum latitudinem , sine depascente tamen flamma diffusa.

II. Variis synonymis insignitur nostra Naphtha , vocant illam *spiritum vitrioli dulcem* , quin & ipsius inventoris *Nomen Mangine* ipsi rei inventæ in officinis pharmaceuticis imponunt , per quod nomen tamen istum præcise liquorem intelligunt , quem modo descripsimus.

III. Sub destillatione ipsa diligenter ad strias albas attendendum est , quia iis absentibus jam etiam omne oleum abesse , & tantummodo partes aquosas ascendere frequentis ope experientiæ edocti sumus.

IV. Est hæc Naphtha verum *oleum* , id quod patet tam ex ipsius natura inflammabili , quam ex eo , quod omnem cum aqua permissionem respuat , cum vini vero spiritu facillime connubium ineat.

V. Residuum in phiala relictum est *carbo*, in quo tamen acidum vitriolicum reconditum est, ita ut ex isto apta encheirefi vitriolum martis parari possit.

VI. Ex hac Naphtha decantissimum illum *liquorem mineralem anodynum Hoffmanni* de cujus fatis G. C. Stahlius in experim. & observ. Chym. pag. 410. verba facit, facili opera parare licet, si 4plum - quin 6plum alcoholis vini addideris; facile hinc patet, quam concentratæ virtutis liquor noster sit, cum per hæc fatis superque in aprico sit vel unicam guttam tantum præstare, quantum major vulgaris liquoris quantitas vix efficere valet.

Sed nolo pluribus hisce immorari, additurus theses quasdam publicæ ventilationi pariter subjiciendas.

I. *Arteriarum figura* neutiquam est conica; sed earum *systema* potius exhibet continuam cylindrorum seriem.

II. Et procul omne dubium vel *injectionum fraus*, vel earum in minores canales divisio contrariam induxit plurimorum sententiam.

III. Ipsa tamen horum cylindrorum *series conum* refert; cujus basis in partibus à corde remotis, apex vero in corde quærendus est.

IV. Namque *maxima vasa* arteriosa minus quam minima junctim sumta relinquunt spatium.

V. Et

V. Et proinde ex *angustiori in multo amplius spatium* per arterias devehitur sanguis.

VI. Neque *venae conica gaudent figura.*

VII. Licet *venosum*, ut *arteriosum systema similem* exhibeat *conum.*

VIII. Neque tamen ut in illo ex *minori in majus*, sed ex *majori in minus spatium* propellitur sanguis.

IX. Vt *artificiosissime structum est utrumque systema vasorum sanguiferorum*; ita mirum est, neminem *Anatomicorum* ante *Lowerum & Basouel* observasse notabiles illas in *arteriarum furcosis divisionibus exstructas catarractas*, quibus sanguinis flumina diriguntur promoventurque.

X. Hisce sane accuratius consideratis, multæ cadunt *gratis assumptæ hypotheses physiologicae*, ut ut ad *Mathematicorum calculum adeo reductæ.*

XI. Quin imo eadem cognitio ad alias detegendas, detectasque stabiliendas veritates plurimum conferre potest.

XII. Vulgaris est defectus in doctrina de *sanguinis Circulatione*, quod plerique *Autores*, in commemorandis illius impedimentis prolixiores vel nil vel parum habeant de *subsidis*, quibus provida natura illis *impedimentis*, alio fine admit- tendis, obviam ivit.

XIII. Non

XIII. Non omnes arteriæ *pulsant* sub systole cordis.

XIV. Neque solæ *pulsant* arteriæ.

XV. Male dicuntur, sensu præditæ esse arteriæ, rectius dicuntur gaudere *sensibilitate objectiva*.

XVI. *Irritabiles* vero esse arterias, eo minus dubitandum est, quo certius est illas comites habere nervos, partes corporis animalis omnium maxime *irritabiles*.

XVII. Quin ne negari quidem potest, *corpus animale in universum*, duris vix excipiendis partibus, *irritabile* esse.

XVIII. Omnes & singulas *arterias* pro majori sua à corde distantia angustiores fieri, haud plane verum est.

XIX. *Arteriæ* cor versus quoque retroagunt sanguinem.

XX. Calor vitalis a *motu humorum intestino* potissimum producitur. Tantum abest, ut à solo sanguinis *motu progressivo* oriatur, quod tam vulgari statuitur errore.

XXI. Quid? quod hæc potius quam illa de *motu humorum intestino*, seu, ut VETERES locuti sunt, *fermentis humorum localibus & universalibus* sententia explodenda est.

XXII. Fluida in vasis ad *angulos rectos* & obtusos divisim inflexisque difficiliter propelluntur, quam in vasis ad *angulos acutos* fissis.

XXIII. Et quo acutiores isti sunt anguli , eo facilius per illos promovetur sanguis.

XXIV. In explicandis *cordis motibus* quinque status , quos vulgo non distinguunt , distinguere debent : a) *Systole* nempe , b) *Perisystole* , c) *Diastrale* , d) *Peridiastrale* , & e) *status quietis & aequilibrum* cordis.

XXV. Cor neque *primum movens* , neque *primum motum* in corpore animali est.

XXVI. Cor enim illud ipsum quidem est *punctum saliens* , in embryone dudum observatum.

XXVII. Sed punctum illud non est *primum mobile motumve*.

XXVIII. *Primus cordis motus* ipsius *diastole* est ;

XXIX. *Secundus* ergo *systole*.

XXX. Hoc *ordine* producti hi motus per vitam alternant,

XXXI. citius tardiusve productis hisce subfultibus,

XXXII. vnde *Celeritas* pulsationum Cordis ;

XXXIII. deinde pluribus paucioribusve eorundem repetitionibus eodem tempore contingentibus,

XXXIV. vnde *frequentia* pulsationum cordis aestimatur.

XXXV.

XXXV. Quæ systoles cordis *caussa efficiens* ? quæ ejus *causa* , *sine qua non* ? *Hæc* est *mechanica* ejus *fabrica* *elateribus* *acutissimis* *donata*. *Illa* *procul* *dubio* *fluidum* *illud* *micro-*
cosmicum *pariter* *summe* *elasticum* , *quod* *singulari* & *propria*
cohæsionis *vi* *ducunt* *reguntque* *nervi* , *unde* *nerveum* *vocatur*
rectius *quam* *spiritus* *animales*.

XXXVI. Recte quoque cum ill. HALLERO pro *irritante* in *irritabili* hac *machina* *assumi* *potest* , *cæteris* *tamen* *pari-*
bus , *venosus* *sanguis* ,

XXXVII. non quidem tam calefaciendo aut vellicando ,
quam potius blando suo tactu hanc sollicitans *machinam* *ope*
mechanicæ *suæ* *fabricæ* *levissima* *vi* *adeo* *mobilem*.

XXXVIII. Namque aer non calidus in experimentis ab
ipso ill. HALLERO ALIISQUE institutis potentissimum hic
fuisse irritans , observatum est.

XXXIX. Fluidum itaque illud ex venis adveniens , æque
ac illud catholicum nerveum hic est vis viva (Wolff. Cosmol.
gen. §. 357.)

XL. Sanguis arteriosus in *arterias* *coronarias* *systoles*
tam , quam *diastoles* *tempusculis* *influit*.

XLI. Quantumvis objici possit , coarctato corde ipsi de-
negari introitum in hasce *arterias*.

XLII. Nec obstat altera objectio contra introitum sanguinis
in istas sub *diastole* *cordis* , quæ huc *redit* ; jam tum *repletas*

esse arterias coronarias , adeoque plus sanguinis sub diastole non amplius admittere.

XLIII. Quantumvis *irritabilitatis cordis* ratio non a sola *nervorum cardiacorum nuditate* petenda sit ; hæc tamen haud nullius est momenti : præcipua enim stimuli impatientia quærenda est partim in ipsius fluidi nervei mobilissima indole , partim in ipsius cordis mechanica conditione summe elastica & nervorum cardiacorum habitu.

XLIV. Cor sinistrum , deinde auricula sinistra , tum cor dextrum , denique auricula dextra ex ordine moriuntur.

XLV. Quam V E R V L A M I V S , vir alias gravissimus , de corde hominis eviscerati , quod in ignem de more supplicii injectum saltabat in altum , primo ad sesqui pedem , deinde gradatim ad minus durante spatio , ut meminit , 7. vel 8. minutorum , habet historiam , illa nisi plane suspectæ fidei est , suspicari licet tamen *fallaciam subfuisse causæ non causæ.*

XLVI. At cum ill : H A L L E R O *Prim. lin. phys. S. 112.* tandem quærere hic licet : *quare cor indefesso motu , tot in vitæ annis , tot in anno diebus , in hora denique pulsibus , qui in sano homine non multo pauciores sunt , quam 5000 , contrahatur , nunquam ferietur , sed repletioni contractio , huic nova repletio succedat in æternum firmo ordine , neque unquam à tanto labore , quem nullus alius musculus vel paucis horis ferat , lassetur aut doleat alteraturque , cum tamen aliàs gutta lapidem cavet atteratque ?* Repeto ex ore M A G N I F I C I D O M I N I P R A E S I D I S re-
spon-

sponsionem. *Ratio miraculi hujus naturæ in ipsis vasis corona-
riis potissimum quærenda est. Mira hujus visceris motuumque
ipsius constantia languoris experta dependet a constanti celeriorique
influxu sanguinis per ista advecti, quia ab hoc major quam in ali-
is partibus nutritionis facilitas, celeriorque constantior, & aqua-
bilior perditæ restitutio.*

Ecquem tanta naturæ opera, admiranda potius quam per-
scrutanda; ad summi CONDITORIS existentiam, sapienti-
am & benignitatem propius cognoscendam & venerandam non
evehunt nec ducunt tantum, sed impellunt fortius? Equi-
dem hic obstupefcens benignissimum Numen Deorumque DE-
VM, qui solus corda scrutatur, supplex adoro precorque
ut, quæ hic de cordis machina dicta sunt, inque hætenus
prolata disputando dicenda erunt, in ipsius gloriam cedant quam
largissime.



PRAENOBILISSIMO
ATQVE
DOCTISSIMO
DOMINO CANDIDATO

S. P. D.

P R A E S E S.

Iusto animi adfectu miranda esse sentis, quæ perscrutari nobis non licet, naturæ arcana. Pio pariter DIVINITATIS sensu ista contemplaris, & NATURAE AUTOREM una veneraris. Repeto ab hac dissertationis TVAE clausula, præcipuum meæ, quam mereris, gratulationis momentum. Repete mecum ab hoc studiorum TVORVM sine initium futuræ praxeos TVAE medicæ. Perge, quo cœpisti, tramite. Physiologia nostra non modo sed PATHOLOGIA nostra, nobis ubique ejusmodi offert miracula, quam plurima neque minora paucioraque offeret TIBI ad altiora attento, DIVINAE PROVIDENTIAE

TIAE & SAPIENTIAE sub ipsis morbis obvia vestigia,
quæ qui vident leguntque, & pia adeoque non ceca ve-
nerantur admiratione, vident præstantque omnino DIVI-
NA adjuti benedictione, quæ videre & præstare neque-
unt, qui, ad quæ nulla pervenire potest curiositas, &
quæ hominum superant investigationem, gratis & sæpius
frivole assumtis hypothefibus eruere satagunt, & cruisse
nonnunquam putant putanturque, aliis, qui το Δειον Hip-
pocraticum agnoscunt, longe sapientiores visi. Neque
vero ideo ars nostra tam arctis inclusa est cancellis, ut
nil, quod certo scire possimus, in illa nobis relictum esset,
quod sane suæ ipsorum imbecillitatis inscii nimis false & im-
dentiùs obvertunt, qui illam plane conjecturalem esse per-
hibent. Nisi enim, quam aliis, nobis multo majorem, non
minorem certe tamen in miserorum ægrorum nostrorum
salutem DIVINA providentia & misericordia reliquit
in rebus nostris cognoscendis agendisque certitudinem.
Hanc ut tibi hætenus comparare annisus es in cathedris
nostris academicis, ita in ea indies augenda omnes porro
intendere nervos ut non desinas, amice moneo. Cave,
quæ certo fine & propius attingere nobis data sunt, dese-
ras

ras unquam interque non scrutanda mox referas. In eo non minus sæpe peccant oscitantiores, quam justo curiosiores, qui quæ supra captum nostrum sunt, capere volunt. Præterea brevis hæc Dissertatio TVA satis superque docet, paucis etiam multa satisque momentosa dici posse dicique sæpe rectius quam multis pauca. In hoc pariter ut pergas tramite, me monere hac occasione, non gravate habebis. Rebus factisque TVAM etiam ad lectos ægrorum TVORVM comproba dexteritatem. Misere enim miseros istos decipit non sanat verbosa praxis, quam itaque, ut TIBI jamjam invisam esse novi, ita invisam mansuram esse, nullus dubito. Hisce valere TE jubeo meaque officia qualiacunque spondeo.

è Museo d. XIII. Jun. 1764.

